

愚山詩集

愚山詩集

施愚山先生學餘詩集卷之三十一

五言律

宗鶴問見過長干客寓

宗時讀書金觀察官舍將歸廣陵

寺遠城南路朝來江雨寒如何歸棹急還索故人看避俗且官閣藏身誰釣竿邦關餘舊好一爲問平安

訓白孟新枉過寓園不值兼感與治之作

逕僻從蒿塞亭空接樹陰忽迴窮巷轍重感故人心白日少閒客清風依茂林匣琴吾欲碎流水見遺音

渡江題袁公序西園

讀書園舊僻愛客許重過新竹水逾綠半亭雲自多夏涼添白衿峰遠隔滄波剩有遊山興還能共蹋歌

愚山先生詩集 卷三十一
編籬深就竹大澤近依城滿地踏林影四時聞鳥聲開
尊荷館淨散帙石牀清棲託吾何有悠然濠濮情

浴江浦湯泉

宋孫莘老秦太虛有詩見惠濟院碑記今不存
又梁昭明浴處名太子泉今堙廢

尋源冒雨行泉上喜山晴適體溫涼稱濯纓冰雪清殘
碑尋惠濟舊跡感昭明歸詠還遐想朱砂峰下情

黃山朱砂

奉下湯泉
香潔第一

晚過金使君長真因同仙裳鶴問小飲分賦

清懽從造次小坐一開顏春去尊前得夜涼池上閒客

筵看白紵官舍有青山耆舊驚猶在何當數往還

清涼寺遇白孟新

石頭精舍古畱與宵閑人玉局曾遊地

寺有蘇長公碣

香山未

老身軒窗含海日書卷傍松筠況復求羊在孤吟有四

鄰

時倪闇公蔡鉉升諸彦並讀書山寺

二

尚憶華陽別相逢漸白頭幽尋潭上路夜語竹邊樓宮

井看前代悲懽感舊游祇今誰郭李極目暮雲愁

時言及黃

漳浦周鹿溪事

掃葉上人山樓

小閣看雲盡層欄古寺隅竹聲清坐臥江色在虛無過

惠山先生詩集 卷三十一
客畱詩滿勞人倚檻孤不妨禪定處長對莫愁湖

淮上于郡丞轉餉豫章還過白門相值

來往軍麾裏相逢說苦辛官貧從遠道客老未閒身小酌秦淮酒行歸渤海濱勞勞羸見面猶勝寄書頻

錫山道南祠一稱東林書院

三吳鄒魯地彥會說東林絕學看誰嗣前賢共此心庭陰叢竹滿雲接九峰深石屋存耆舊風徽尚可尋

東林之學

舊推高忠憲公今猶子彙旃學使嗣主講席一稱石屋山樵

雲起樓

錫山吳明府所築在惠泉上

好據九龍麓重開百尺樓浮雲無處所此地一淹畱塔勢掌中出松聲泉上秋月明賓從集何似庾公遊

惠山寺試泉

自蓄滄浪意尋源過竹房松風清入聽雪乳初嘗
洞知泉穴披雲臥石牀中冷復何似畱賞下斜陽

吳門聽雨

昨夜還家夢鄉心計旅程僧邀光福寺客臥闔閭城
暮爭山水江關警甲兵白鷗真妬汝浩蕩寄平生

玄墓聖恩寺

不到湖邊寺安知靈境稀松聲涼石逕水色散林扉
墓沈蒼蘚疎鐘滿翠微夕陽雙桂下一坐得清機

飲汪鈍菴宅

時屏跡謝客
爲予入郡

不分枉蘭棹重兼開竹扉窮交存白髮小酌坐清暉
官

在還山久書成示客稀倘同吳市隱相傍老漁磯

二

別業蘇臺外幽棲何處尋入園松逕綠高枕石湖深萬
卷供多病千春獨寸心離筵殊造次還擬就遙岑

次韻尤展成水哉軒四首

滄洲庭戶裏獨坐興悠哉雲壑畱浦客江城得釣臺柳
深時覆榻月上一銜杯語默看誰共惟應二仲來

二

清光長在水入夏獨泠然竹露半窗雨荷風五月天
庭看鶴舞高館對鷗眠樂府清聲出雞林已遍傳

三

盛年名早達豈合老江濱
聖王嗟才子浮生託醉人
狂吟流水曲嬾奉屬車塵
誰念羊求客愁來罷釣綸

四

野橋鷗鳥外浮舫槿籬間
對酒客長滿著書身復閒
泉通笠澤浦峰遠洞庭山
仙鯉吾能跨行當數往還

答蔡右宣

何人復吾道之子獨追攀
家世清流後交游滄海間
論文花塢靜好古竹房閒
應有千秋意深居且閉關

送筠上人自吳門移錫玉峰次大可韻

久坐生公石應同彌勒龕
別峰還獨往高論許誰叅
人結蓮花社詩分貝葉函
看君成夙悟寧待老瞿曇

愚山先生詩集 卷三十一
蘇州高使君蒼巖郡齋夜宴

同余澹心吳園次錢宮聲劉震修姜學在

韻限

良宴坐清光官齋一草堂地寬容樹綠人靜愛宵長皎
月入尊酒涼風吹客裳殷勤此時望誰是獨思鄉

二

吳苑風光好曾聞銷夏灣今宵五湖月偏照幾人閒微
露下高樹清歌懽別顏何當緩征棹一問洞庭山

余澹心追送同舟至惠山

離人逢好友一棹傍林丘遠送同明月相看總白頭野
橋疎柳臥浦寺亂雲秋信宿傾情話閒心到十洲

吳伯成明府餞別惠山嘉樹堂卽席限韻

同余澹心吳修

齡周原培嚴
蓀友家緝揚

共爲河朔飲坐愛水邊樓
羅屋夕陽少風林殘暑秋園
幽邀客住泉響傍人流相送情何極
蓉湖繫雀舟

泊河橋

人聲喧夕岸舟子報河橋
殘暑亂螢火涼風歸柳條
市荒全罷柝夜警數移橈
漸覺秋光逼明河出絳霄

泊定武遇雨

殷雷翻絕壑急雨過前林
夾岸暝烟合孤舟秋色深
歲荒多難路客久未歸心
明日鄉程近無勞白髮侵

歸自東壩乘迅風過固城湖

湖光清濯纓歸棹北風生
正感新秋節俄兼兩日程
浦

愚山先生詩集 卷三十一
雲無次第江樹遠逢迎萬事吾遲暮空餘擊楫情

哭蒲瑞生先輩

八十應無恨平生重可悲貧纏黃髮後鰥自少年時舊
帙畱殘淚慈孫絕見期魂銷臨訣語早索哭君詩

一孫北遊

國學

旌陽西竺寺

山名棲真相傳
寶子明修煉處

寺占棲真地春陰巖際歸泉根來處遠峰頂到人稀山
郭入深翠仙臺知是非夕陽看不足半嶺又雲飛

梓山

梓岫城頭出梅溪杖底流嵐光橫滿縣泉響曲依樓過
雨長新綠看題感舊游山腰好精舍歸路重淹畱

丙辰中秋對月

月復中秋好人誰此夕同未寒從露坐拚醉莫樽空亭
閣澄江畔關山戰壘中虎丘清絕處又隔五湖東

王安又中秋見懷索和

幾度憐光滿清宵不共懽移家成小別亂世喜粗安露
白三秋桂寒摧九畹蘭應存故人意斟酌慎盤餐

郝元公學博以母艱歸潁州

謝公亭畔路相送滿離愁陟屺腸空斷過江楓正秋臯
比餘講席書卷伴歸舟一老趨庭在休教淚不收

二

仕隱差相近誰言生計微前賢懷潁水時事樂郊扉壘

嶂看雲去西湖喜客歸含情劉子驥書信自今稀

潁州有西

湖劉公藏居
穎書數至

重九講學湖北懷王便朴不至

袞袞登高日誰貪講席閑相將來座上早已出人間
白湖邊樹霞明天際山所思勞佇望祇見片雲還

送汪友月歸歙

萬山黃葉路亂定一人歸書帙增多少家園認是非
畫從時輩乞心入世情稀舊業中丞後風流屬布衣

送吳同父遊涇川

敬亭看未厭尊酒復離亭匹馬踏霜去羣峰夾路青
官齋懽舊雨野寺伴寒星倘問渠高蹟臨溪試一停

送祖上人之溧水精舍地有東廬山

眼前真靜者幾輩却輸君舊洗龍池鉢行隨瀨水雲無
言能說法高坐自離羣知傍東廬住清鐘何處聞

爲吳愷仲書冊

崖中從坐嘯湖海氣空羣酒泛邗江月衣飛白嶽雲路
難重結客身隱自論文山館梅花早含情應爲君

涇川鄧明府偉男招讌水西烟雨亭因畱坐月宿

楚公山房

借同甫天石
瞿山限韻

一亭收衆妙客到及晴遊水落雲帆遠風疎山磬秋數
峰爭返景斗酒得滄洲舊句慚畱碣重來漸白頭

廿年
前舊

作張菊水明府爲
余刻碣置壁間

地主權難罄雲歸客未還殘尊邀好月清話聚寒山講

席荒祠古

有水西書院

禪宮短榻閒青蓮與黃蘗此夕倘人

間

寺爲黃蘗道場有李太白題詠

過新嶺

地擁大鄣險天橫疊嶺遙傾崖連虎口細路出峰腰未
夕警孤客半空無野樵頻年飛鐵騎誰說上青霄

過歙城題舊主人松屋

相距十餘家即蒙古戍所

不信橫戈地猶餘舊屋存見初開笑口愁轉拭啼痕白
日柴門閉比鄰塞角喧主人霜鬢在好護老松根

亂後新安作

新都成絕塞歲晚客誰過殘壘傳烽數荒城避馬多艱

難尋故舊悵惜好巖阿閩海還酣戰安危定若何

舊識云福

建刀兵動徽饒作戰塲

歙州懷汪栗亭邦上戲東

短札經年少殘春憶別愁吳州何處寺邦水幾回舟下榻諸侯渴牽衣小婦畱紫陽虛舊館把酒不同遊

先歸次烏溪却寄瞿山旌陽客舍

寒天還遠道宿霧間重雲野店人烟少山亭畫角聞馬
饑餐落葉鴉晚噪歸羣忽憶同行客那堪岐路分

寄王言遠同年

耆舊今垂盡安危定仗誰路從南浦別人老北山陞步